



Broj: 01-16-12-1253- 9 /23
Banja Luka, 26.05. 2023. godine

Na osnovu člana 7. stav 1. Zakona o sistemu indirektnog oporezivanja u Bosni i Hercegovini („Službeni glasnik BiH“, broj: 44/03, 52/04, 34/07, 4/08, 49/09, 32/13 i 91/17), člana 25. Zakona o Upravi za indirektno oporezivanje („Službeni glasnik BiH“ broj: 89/05), člana 64. stav (1) tačka b) i člana 70. stav (3) Zakona o javnim nabavkama („Službeni glasnik BiH“ broj: 39/14 i 59/22), Direktor Uprave za indirektno oporezivanje, d o n o s i

O D L U K U

o poništenju konkurentskog postupka za vršenje usluge resertifikacije tehničkih i sigurnosnih komponenti sistema PKI UIO

I

Poništava se konkurentski postupak za vršenje usluge resertifikacije tehničkih i sigurnosnih komponenti sistema PKI UIO.

II

Postupak poništavanja javne nabavke provešće se shodno odredbama Zakona o javnim nabavkama BiH („Službeni glasnik BiH“, broj: 39/14 i 59/22).

O b r a z l o ž e n j e

Odlukom direktora, broj: 01-16-12-1253/23 od 26.04.2023. godine, odobreno je provođenje konkurentskog postupka za prikupljanje ponuda za vršenje usluge resertifikacije tehničkih i sigurnosnih komponenti sistema PKI UIO.

Procijenjena vrijednost nabavke iznosi 12.000,00 KM bez PDV-a.

Sredstva za javnu nabavku su osigurana u Budžetu/Finansijskom planu Ugovornog organa na poziciji 6137.

Slijedom navedene Odluke, dana 28.04.2023. godine, izvršeno je objavljivanje Obavještenja o nabavci broj: 743-7-2-52-3-62/23 na Portalu javnih nabavki.

Zajedno sa objavljivanjem Obavještenja o nabavci na Portalu javnih nabavki, izvršeno je i objavljivanje na Web stranici UIO.

Dana 22.05.2023. godine u 12.15h, u prostorijama Uprave za indirektno oporezivanje, Banja Luka, Ulica Bana Lazarevića bb, Komisija je pristupila javnom otvaranju blagovremeno pristiglih ponuda.

Na osnovu Izvještaja o preuzimanju Tenderske dokumentacije od strane ponuđača, utvrđeno je da je Konkurentski zahtjev za dostavljanje ponuda za vršenje usluge resertifikacije tehničkih i sigurnosnih komponenti sistema PKI UIO, broj: 01-16-12-1253-1/23 od 28.04.2023. godine, preuzelo 7 ponuđača.

U Zapisniku o otvaranju ponuda, broj: 02-16-12-1253-6/23 od 22.05.2023. godine, Komisija je konstatovala da je blagovremeno dostavljena jedna ponuda, i to ponuda ponuđača:

- **SICON SAS d.o.o. Tuzla, Ul. Čaklovići br. 26,**

te da je isti u svojoj ponudi iskazao cijenu kako slijedi:

Naziv ponuđača	Ukupna cijena ponude	Ponuđeni popust
SICON SAS d.o.o. Tuzla, Ul. Čaklovići br. 26	12.000,00 KM bez PDV-a, 14.040,00 KM sa PDV-om	NEMA

Nakon otvaranja ponude, Komisija je na zatvorenoj sjednici pristupila postupku preispitivanja dostavljene ponude u smislu kvalifikovanosti i prihvatljivosti iste, shodno predmetnom Konkurentskom zahtjevu, te je nakon izvršenog uvida u dostavljenu ponudu, utvrdila da:

- Ponuda ponuđača **SICON SAS d.o.o. Tuzla, Ul. Čaklovići br. 26**, ne ispunjava sve zahtjeve Ugovornog organa definisane Konkurentskim zahtjevom, te je ista ocjenjena kao neprihvatljiva.

Naime, tačkom 2.3.1. Konkurentskog zahtjeva propisano je da što se tiče tehničke i profesionalne sposobnosti (člana 50. Zakona), **ponuđači** trebaju ispuniti minimalne uslove:

- a) Da je **Ponuđač** u posljednje tri godine računajući od dana objave obavještenja o nabavci ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od tri godine, uredno izvršio jedan ugovor o vršenju usluge koja je u vezi sa predmetom nabavke, čija vrijednost iznosi minimalno 10.000 KM bez PDV-a,
- b) Da je tehnički i profesionalno sposoban za realizaciju predmetnog ugovora, odnosno da se nalazi na listi Evropske unije tijela za ocjenjivanje usaglašenosti (Conformity Assessment Body-CAB) u skladu sa međunarodnim standardima:

https://eidass.ec.europa.eu/efda/notification-tool/#/screen/browse/list/CAB_NAB.

Nadalje, tačkom 2.3.2. propisano je da će se ocjena tehničke i profesionalne sposobnosti ponuđača izvršiti na osnovu sljedećih dokaza:

- a) Spisak izvršenih ugovora o izvršenim uslugama koje su u vezi sa predmetom nabavke u posljednje tri godine računajući od dana objave obavještenja o nabavci ili od datuma registracije, odnosno početka poslovanja, ako je **ponuđač** registrovan, odnosno počeo da radi prije manje od tri godine. Ukupna vrijednost ugovorenih poslova po jednom ugovoru mora da iznosi minimalno 10.000,00 KM bez PDV-a ili više (ovjereno pečatom i potpisom od ponuđača).

Uz spisak izvršenih ugovora **ponuđač** je dužan dostaviti potvrdu koju su izdali primaoci robe, za predmetne ugovore, a koje obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije Ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbijede (original ili ovjerena kopija nadležnog organa).

- b) Dokaz da se **ponuđač** nalazi na listi Evropske unije tijela za ocjenjivanje usaglašenosti (Conformity Assessment Body-CAB) u skladu sa međunarodnim standardima: https://eidass.ec.europa.eu/efda/notification-tool/#/screen/browse/list/CAB_NAB.

Uvidom u ponudu ponuđača SICON SAS d.o.o. Tuzla, Ul. Čaklovići br. 26, utvrđeno je da isti nije ispunio gore navedene uslove. Naime, ponuđač je dostavio spisak izvršenih ugovora o izvršenim uslugama koje su u vezi sa predmetom nabavke, međutim uz spisak izvršenih ugovora ponuđač je dostavio potvrde koje su izdali primaoci robe za predmetne ugovore, ali kao ugovorna strana predmetnih ugovora se **ne naznačava naziv ponuđača**, nego naziv podugovarača, za kojeg je ponuđač u Aneksu 1-Obrazac za ponudu naznačio da ima namjeru podugovaranja prilikom izvršenja ugovora.

Nadalje, što se tiče Dokaza da se ponuđač nalazi na listi Evropske unije tijela za ocjenjivanje usaglašenosti (Conformity Assessment Body-CAB) u skladu sa međunarodnim standardima, ponuđač je dostavio listu Evropske unije tijela za ocjenjivanje usaglašenosti (Conformity Assessment Body-CAB) u skladu sa međunarodnim standardima, međutim, na istoj se **ne nalazi ponuđač**.

Slijedom navedenog, Komisija je dala preporuku direktoru UIO da se predmetni postupak javne nabavke okonča poništenjem shodno članu 69. stav 2 pod d) Zakona o javnim nabavkama, obzirom da je utvrđeno da jedina dostavljena ponuda nije prihvatljiva.

Prihvatajući prijedlog Komisije, odlučeno je kao u dispozitivu ove odluke.

Pouka o pravnom lijeku: Ponuđač koji smatra da je Ugovorni organ u toku postupka izvršio povredu odredbi Zakona o javnim nabavkama ima pravo uložiti žalbu.

Žalba se podnosi Kancelariji za razmatranje žalbi putem Uprave za indirektno oporezivanje, Ulica Bana Lazarevića bb, Banja Luka, u pisanoj formi u tri primjerka, u roku od 5 dana od dana prijema ove odluke.

Shodno članu 108. Zakona o javnim nabavkama žalilac je obavezan platiti naknadu za pokretanje žalbenog postupka.

Uplata naknade vrši se u skladu sa Instrukcijom o načinu uplate, kontrole i povrata naknada propisanih članom 108. Zakona o javnim nabavkama („Službeni glasnik BiH“, broj: 86/14).

Dostaviti:

1. 01,
2. 02/1x2,
3. Arhiva



DIREKTOR

Mir
Dr. Miro Džakula